



TE PUKAPUKA POUAKO

NGĀ MAHI A TE RĒHIA



TE KAUPAE 1

92064 | Te whakamahi i ngā āhuatanga toi rēhia kia puta ai he mahinga toi.
(Ngā Whiwhinga: E 4)

Te Rā Tuku Aromatawai ā-Waho: Te Wāhanga 4–Te 29 o Oketopa, 2025

Te Whārangi Ihirangi

He Kete Manarua	2
92064 Te whakamahi i ngā āhuetanga toi rēhia kia puta ai he mahinga toi	
Te Tūmahi Aromatawai ā-Waho	4
He Whakamārama	4
Te Mahi a te Ākonga	4
Ngā momo mahinga toi rēhia	4
Ngā āhuetanga o te toi rēhia	5
Te Paerewa Paetae	6
Te Tautuhinga Aromatawai ā-Waho	9
Te Whakatakotoranga Aromatawai ā-Waho	9
Ngā Herenga Aromatawai ā-Waho	10
Te Motuhēhē o ngā mahi o ngā ākonga	10
Te Tāpaetanga me te Hāponotanga	11
Te Mahere Aromatawai ā-Waho	12



He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuetanga. Ko ngā taonga tuku iho ka kohikohia e te ākonga, ka tahi. Ka rua, ko te whakapiki i te mana motuhake o te ākonga, o ōna hapū, o ōna iwi hoki.

He tāpaetanga ā-matihiko te āhua o te **KETE MANARUA** ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

He mihi ki te kaihangā o te mahinga toi kei te uhi mua. I whakaaturia te taonga i te Ringa Toi Exhibiton 2024.
Collins, Cleo. (2024) *Te Mana o te Rōpū*. Marlborough Girls' College.



Ngā Mahi a te Rēhia

92064 Te whakamahi i ngā āhuatanga toi rēhia kia puta ai he mahinga toi

(Te Kaupae 1, Ngā Whiwhinga: E 4)

Kairangi	Kaiaka	Paetae
Ka whakamahi i ngā āhuatanga toi rēhia e whai tikanga ana kia puta ai he mahinga toi.	Ka whakamahi i ngā āhuatanga toi rēhia e whaitake ana kia puta ai he mahinga toi.	Ka whakamahi i ngā āhuatanga toi rēhia kia puta ai he mahinga toi.

Te Tūmahi Aromatawai ā-Waho

He tauira te Tūmahi Aromatawai ā-waho e whai ake nei hei kōwhiringa mā te Pouako. Ka whakamahia rānei, ka whakarite Tūmahi Aromatawai ā-Waho anō rānei, kei te Pouako te tikanga.

He Whakamārama

Kōwhiria tētahi āhukatanga o te taiao hei whakamahinga mā te ākongā ki te waihanga i tētahi mahinga toi rēhia.

Ka kōwhiri koe, ka kōwhiri rānei tō rōpū i ngā huānga o te toi rēhia.

E 3 ngā huānga hei whakamahinga māu, mā tō rōpū rānei ki roto i taua mahinga toi rēhia. Whakamahia te horopaki o te taiao i roto tō mahinga toi rēhia. Āta whakamāramatia ngā huānga o te toi rēhia i kōwhiria ai e koe, kātahi ka whakamārama i te mahinga rēhia i tohua rā e koe hei waihanga māu, mā tō rōpū rānei.

Kia 150–200 kupu te roa o ngā whakamārama. Mehemea e mahi takirua ana, e mahi ā-rōpū ana rānei, me tuku tēnā ākongā me tēnā ākongā i āna ake whakamārama.

Kōwhiria tētahi āhukatanga taiao o raro iho nei:

- Ngā momo manu
- Te taha moana
- Te tipu o te rākau
- Ngā āki a Tāwhirimātea
- Te marama me ngā whetū i te pō.

Te Mahi a te Ākongā

1. Kōwhiria he āhukatanga taiao hei ārahi i ngā mahinga toi rēhia.
2. Kōwhiria he mahinga toi rēhia hei waihanga māu, mā tō rōpū e takirua ana, e takitoru ana rānei.
3. Tautohua ngā huānga toi kua kōwhiria e koe hei whakamahinga māu i roto i tāu mahinga toi rēhia.
4. Me whakarite tuhinga tīpoka, kōrero ā-waha rānei hei taunaki i tō mahinga toi rēhia.
5. Whakaritea ngā whakamārama me ngā kohikohinga mahinga toi rēhia kua oti kē i a koe te rangahau.

Ngā momo mahinga toi rēhia

E āhei ana kia takitahi, kia takirua, kia takirōpū rānei te whakaaturia o te mahinga toi rēhia, hei tauira:

- kia takitahi te whakaaturanga (hei waiata, hei haka, hei pao, hei rotarota, hei kanikani, hei whakaari rānei)
- kia takirōpū te whakaaturanga (hei waiata ā-rōpū, hei kapa haka, hei whakaari, hei kanikani, hei haka tapere).

Ngā āhuatanga o te toi rēhia

Ngā āhuatanga katoa e hāngai ana ki te mahi waihanga i tētahi mahinga toi rēhia, arā:

- ngā ariā o te toi rēhia, pēnei i te kōrero pūrākau, i te whakapapa, i te aronga ā-iwi
- ngā tukanga o te toi rēhia, pēnei i te rangahau, i te whakarite, i te whakamahere
- ngā huānga o te toi rēhia, pēnei i te nekehanga, i te mokowā, i te oro
- ngā pūkenga o te toi rēhia, pēnei i te arohaehae, i te arotake, i te manawanui
- ngā nuka o te toi rēhia pēnei i te kura huna, i te ngangahu, i te poi, i te wiri.

Ehara i te mea me puta te katoa o ngā āhuatanga o runga; ko te tikanga ia, me kōwhiria ngā āhuatanga e hāngai ana ki te horopaki.

Te Paerewa Paetae

Aronga	Ngā Mahi a te Rēhia 1.4	Putanga	3
Ingoa	Te whakamahi i ngā āhuatanga toi rēhia kia puta ai he mahinga toi		
Kaupae	1	Whiwhinga	4
		Aromatawai	Ā-waho
Marau akoranga	Te Marautanga o Aotearoa		
Kokonga akoranga	Ngā Mahi a te Rēhia		
Mana rēhita	Kua rēhitatia	Te rā i mana ai	Hakihea 2023
Te rā e arotakengia ai	Hakihea 2028	Te rā i puta ai	Hakihea 2023

Te Whāinga

Ko te whāinga o tēnei paerewa paetae he whakamahi i ngā āhuatanga toi rēhia kia puta ai he mahinga toi.

Paearu Paetae

Paetae	Hei tohu i te paetae: <ul style="list-style-type: none"> Ka whakamahi i ngā āhuatanga toi rēhia kia puta ai he mahinga toi.
Kaiaka	Hei tohu i te kaiaka: <ul style="list-style-type: none"> Ka whakamahi i ngā āhuatanga toi rēhia e whaitake ana kia puta ai he mahinga toi.
Kairangi	Hei tohu i te kairangi: <ul style="list-style-type: none"> Ka whakamahi i ngā āhuatanga toi rēhia e whai tikanga ana kia puta ai he mahinga toi.

Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Ngā Toi kei: <https://ncea.education.govt.nz>

Whāinga Paetae

Ka tūhura, ka whakamahi, ka whakawhanake mōhio, ka whakamārama:

- i tā te tinana me te reo whakatau i roto i ngā horopaki huhua.

2 E whai ake nei ngā whakamārama mō ngā paearu paetae:

<i>Ka whakamahi i ngā āhuatanga toi rēhia kia puta ai he mahinga toi.</i>	Ka kōwhiri, ka whai i ngā āhuatanga toi rēhia e hāngai ana ki te horopaki.
<i>Ka whakamahi i ngā āhuatanga toi rēhia e whaitake ana kia puta ai he mahinga toi.</i>	Ka kōwhiri, ka whai i ngā āhuatanga toi rēhia e whaitake ana ki te horopaki.
<i>Ka whakamahi i ngā āhuatanga toi rēhia e whai tikanga ana kia puta ai he mahinga toi.</i>	Ka kōwhiri, ka whai i ngā āhuatanga toi rēhia e whai tikanga ana ki te horopaki.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>āhuatanga toi</i>	<p>Ngā āhuatanga katoa e hāngai ana ki te mahi waihanga toi rēhia, arā:</p> <ul style="list-style-type: none"> • ngā ariā toi rēhia pēnei me te kōrero pūrākau, te whakapapa, te aronga ā-iwi • ngā tukanga toi rēhia pēnei me te rangahau, te whakarite, te whakamahere • ngā huānga toi rēhia pēnei me te nekehanga, te mokowā, te oro • ngā pūkenga toi rēhia pēnei me te arohaehae, te arotake, te manawanui • ngā nuka toi rēhia pēnei me te kura huna, te ngangahu, te poi, te wiri. <p>Ehara i te mea me mahi te katoa; ko te tikanga ia, kia kōwhiria ngā āhuatanga e hāngai ana ki te horopaki.</p>
<i>mahinga toi</i>	He mahinga toi motuhake, he kohikohinga, he tauira hukihuki, he tāruatanga rānei nā te ākongā anō i waihanga.
<i>hāngai</i>	Ka kitea te hononga ki te kaupapa.
<i>whaitake</i>	Ka āta whakaarohia, ka tūhonoa atu ki te kaupapa kia kitea ai tōna take.
<i>whai tikanga</i>	Ka āta wānangahia, ka kōtuituia kia kitea ai tōna tikanga.

4 Arā ngā Tikanga Aromatawai mō tēnei paerewa paetae, kei:
<https://ncea.education.govt.nz>

5 Kuputaka

āhuatanga	<i>aspect, characteristic</i>
ariā	<i>concept, theme, idea</i>
tukanga	<i>process</i>
huānga	<i>element</i>
pūkenga	<i>skill</i>
nuka toi	<i>Māori arts feature</i>
mahinga toi	<i>original art work</i>
hāngai	<i>appropriate, connected to</i>
whaitake	<i>relevant, valid</i>
whai tikanga	<i>meaningful, purposeful</i>
kohikohinga	<i>series</i>
tauira hukihuki	<i>draft, series of drafts</i>
tāruatanga	<i>cover, rendition</i>

Kōrero Whakakapinga

I whakakapingia ngā paerewa 91690-91697 e ngā paerewa 92060, 92062-92064.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233

Te Tautuhinga Aromatawai ā-Waho



Te Paerewa Paetae	92064
Te Ingoa o te Paerewa Paetae	Te whakamahi i ngā āhuatanga toi rēhia kia puta ai he mahinga toi
Ngā whiwiringa	E 4
Te Marau	Te Marautanga o Aotearoa: Ngā Mahi a te Rēhia
Te Wāhanga Ako	Tukutuku Ako
Te Tukanga Aromatawai ā-Waho	He Kete Manarua
Te Momo Tāpaetanga ā-Matihiko	He konae tuhituhi – .PDF (5–20 whārangi) He kiriata – .mp4 .avi .mov .m4v (5GB)
Te Rā tuku Aromatawai ā-Waho	Te Wāhanga 4–Te 29 o Oketopa, 2025
Ngā Wātaka Aromatawai ā-Waho	1. Te Wātaka Whakamātautau 2025 2. Te Wātaka Aromatawai ā-Waho 2025

Te Whakatakotoranga Aromatawai ā-Waho

Ka aromatawaingia tētahi kōpaki toi rēhia nā te ākongā anō i waihanga. He mahinga toi motuhake, he whakaaturanga motuhake rānei.

Kāore he take o te rātaka, engari me tuku he paku kōrero whakamārama e te ākongā mō te mahi.

Ko te take mō te kōrero whakamārama, he tautoko noa i te kaupapa o te mahi, ehara i te mea ka aromatawaingia āna kōrero whakamārama, ka aromatawaingia kētia tāna whakamahi, tāna whakahāngai hoki i ngā āhuatanga o te toi rēhia i roto i te mahinga toi motuhake.

Ko ētahi taurira o te mahinga toi motuhake:

- ko te whakaari
- ko te titonga nekehanga
- ko te kanikani
- ko te whakaaturanga
- ko te tū ā-kapa haka.

He kōrero whakamārama:

- Kia 1–3 meneti te roa o te whakaaturanga, ā, tāpirihia mai hoki te tauākī whakamārama.
- Kia 150–200 ngā kupu o te kōrero whakamārama ā-tuhi, kia 1–2 meneti rānei te roa o te kōrero ā-waha.

Me tautohu te kaupapa/horopaki o te mahi me ngā āhuatanga o te toi rēhia kua whakamahia, kua whāia rānei. Ka whakaaturia ngā mahi mā ngā hangarau matihiko i runga i ngā ata e toru.

1. Kei te ata tuatahi, ko te tau ākongā ā-motu (NSN) a te ākongā.
2. Kei te ata tuarua, ko te whakaaturanga toi rēhia hei kiriata.
3. Kei te ata tuatoru tētahi tauākī whakamārama ā-reo arataki, ā-tuhinga whakarāpopoto rānei.

E āhei ana kia takitahi, kia takirua, kia takirōpū rānei te āhua o te whakaaturanga, hei tauira:

- mēnā e takitahi ana te whakaaturanga (he kanikani, he whaikī tōtahi, he rotarota, he whakaari).
- mēnā e takirōpū ana te whakaaturanga (he tū ā-kapa haka, he whakaari, he kanikani, he mahi whakapiki wairua, he haka tapere).

Ki te tukuna e te ākongā te kiriata ā-rōpū, me tautohu ia i a ia anō i te kiriata.

Tēnā tirohia te Kete Manarua i te paetukutuku nei: [Ngā Tūmahi me ngā Mahere Aromatawai](#).

E whakaatu ana te Kete Manarua i tētahi tauira hei kōwhiringa mā te kaiako. Mā te kaiako tonu e whiriwhiri mēnā rānei ka whakamahia te/ngā tauira nei, ka whakamahia rānei he mahi whakaharatau, ka whakaritea rānei he Tūmahi Aromatawai anō.

Ngā Herenga Aromatawai ā-Waho

He mahi takitahi tēnei mahi nā te ākongā; me te whakatakoto taunakitanga mō te aromatawai ā-waho. He Kete Manarua ā-matihiko anake te aromatawai nei.

Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te [Online Digital Submission Portal](#).
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);
- me āpiti te kiriata ki te tītohunga ataata, otirā, kāore e āhei ana te tukukau noa i te honongaitua.

[Using the new digital submission portal.](#)

Te Motuhēhē o ngā mahi o ngā ākongā

Me pēhea e mōhiotia ai te motuhēhē o ngā mahi a ngā ākongā? He tukanga, he taunakitanga me whai, e mōhiotia ai nā te ākongā ake āna mahi aromatawai. Kia mataara ngā ākongā, ngā kaiako me te whānau hoki o te kura ki te motuhēhē o ngā mahi a ngā ākongā.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākongā.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna awhina, ki ngā puna kōrero;

- Ngā momo puna awhina, puna kōrero rānei:
 - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
 - » ngā pukapuka i whakaputaina;
 - » ngā pukapuka kāore anō i whakaputaina;
 - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): Tāpaetanga pūnaha hou a NZQA.

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a assessment.servicecentre@nzqa.govt.nz,

Te Mahere Aromatawai ā-Waho

Ngā Mahi a te Rēhia 92064: Te whakamahi i ngā āhuatanga toi rēhia kia puta ai he mahinga toi

Kairangi (KR)	Kaiaka (KA)	Paetae (P)
Ka whakamahi i ngā āhuatanga toi rēhia e whai tikanga ana, kia puta ai he mahinga toi.	Ka whakamahi i ngā āhuatanga toi rēhia e whai take ana, kia puta ai he mahinga toi.	Ka whakamahi i ngā āhuatanga toi rēhia kia puta ai he mahinga toi.

Te Taunaki i te Aromatawai

KR8	KR7	KA6	KA5	P4	P3	KW2	KW1
Kua whai wāhi mai anō hoki ōna ake whakaaro me ngā kare ā-roto i tana rangahau i ngā āhuatanga toi rēhia.	Kua auaha te whakatakoto i ngā whakaaro, kua mārama hoki te kite i te hononga o ngā āhuatanga toi rēhia ki te horopaki.	Kua whānui te whakaputa whakaaro ki ngā āhuatanga toi rēhia kua tautohua. E kaha kitea ana te whai hononga me te whai aronga anō hoki i te horopaki o te mahi.	Kua mārama te kite kua whai hononga ngā āhuatanga toi rēhia i ki te horopaki o te mahi.	Kua tautohu he āhuatanga toi rēhia, ā, kua whakamāramahia.	Kua whakamahere mai i ētehi whakaaro i roto i tētahi tuhinga poto, ā, kua tautohua he āhuatanga toi rēhia.	Kei reira tētahi whakaaro e hāngai ana ki ngā mahi, heoi, me whai tohutohu kia hua mai ai he mahinga toi.	Kāore he āhuatanga toi rēhia hāngai ki te horopaki.
Kua mārama te tautohutia o ngā āhuatanga toi rēhia, kua mārama hoki tana whakaraupapa mai i ōna whakaaro, ā, kua matapakihia ēnei kia tika ai te whakaatu atu i tana mārama ki ngā āhuatanga toi rēhia kia whai hononga, kia whai aronga, kia whaihua anō hoki i roto i te horopaki o te mahi.	Kua whai hononga, kua whai aronga, ā, kei te āhua kite i te whaihua o ngā āhuatanga toi rēhia kua tautohua i roto i te horopaki o te mahi.	Kua āta tautohua ngā āhuatanga toi rēhia e pai ai te whakaatu māramatanga.	Kua whai aronga anō hoki i roto i te horopaki o ngā mahi.	Kua whai hononga te āhuatanga toi rēhia ki te horopaki o te mahi.	Kua tautohua he āhuatanga toi rēhia, ā, i āhua whai hononga ki te horopaki o te mahi.	He taunakitanga kotahi.	Kāore he paku taunaki e tohu ana i ngā hiahia o te paerewa.

<p>Kua whakamāramahia, ā, kua whakatauritehia te āhua o ngā āhuatanga toi rēhia.</p>	<p>Kua rangahaua e te Ākonga te tikanga o ngā āhuatanga toi rēhia i tautohua e ia. Ko tana tuhinga e whakaatu ana i tana tirohanga whānui ki te aromatawai.</p>						
--	---	--	--	--	--	--	--

KWO = Kāore he paku hāngaitanga